



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Marii Mercatoris S. Augustino Æqualis Opera Quæcumque Extant**

[Complectens Ea Quæ Ad Hæresim Nestorianam Spectant]

**Marius <Mercator>**

**Parisiis, 1673**

Item ex ejusdem libri capitulo decimo quinto Excerptum Septimum.

**urn:nbn:de:hbz:466:1-14215**

*Item ex ejusdem libri capitulo decimo quinto*

EXCERPTUM SEPTIMUM.

**H**Æc, inquit, Apollinaris arguunt vanitatem, qui pro ratione, vel mente Deum Verbum in assumpta carne asserit habitasse. Nam si non habuit humana mentem assumpta natura, Deus quidem erit, qui contra diabolum certavit. Deus etiam qui victoriā operatus est; Deo autem operante victoriā, ego quidem de hac victoria nihil utilitatis accipi, velut qui nihil huic inferre potuerim; sed & lætitia, quæ ex hac re contigit, privor, super triumphis alienis exultans. Tripudiat autem diabolus & extollitur, & superbit atque gloriatur, quasi cum Deo luctatus sit: magnum est enim illi etiam a Deo superari.

ITEM EX EJUSDEM LIBRI CAPITULO DECIMO SEXTO.

**H**AC etiam usus defensione convenienter diabolus Deo dicere poterat: Ego, Domine creator univerorum, non contra te certamen assumpsi; scio namque dignitatem tuam, intelligo potestatem, cognosco dominationem, fateor servitutem, quamvis refuga esse cognoscas: victoriā vero cedo & angelis, & omni cælesti multitudini, ex quibus aliquando & ego infelix extiteram; contra hunc autem suscepī certamen, quem de limo formasti, & ad imaginem tuam fecisti, & ratione honorasti, & paradisi civem constituisti, & terra marisque dominum demonstrasti. Hunc seductione, non necessitate decepi; hunc usque in hodiernum diem superare, dejicere, ac morti tradere non cesso; per severo hunc ad stadium perducens, &

mecum luctari præcipiens: ipse spectator afflisse; etiam arte, quam athleta insinuat, ostende luctari, demonstra & instituta certaminis, vngc ut voles; tantum ne huic auxilium præbeas: non enim sic audax ego & mente privatus, ut adversum te factorem certare pertentem. Hæc ad salvatorem Christum juste diabolus diceret, si non esset homo, sed Deus, qui pro homine decertaret.

Ex hoc loco, qui in codice Græco regiz Bibliotheca dicitur sumptus ex opere *ad Isaem*, pervulgata opinio convellitur, qua virtus eruditio fama celebres, cum decepti esent a corruptis Gennadii codicibus, credidissent opus, quod de incarnatione Domini a Theodoreto compositum Gennadius scripsit, non fuisse diversum a libris quatuor Eranistæ aduersus Eutychem & Dioscorum elaboratis. Illud enim excerptum, imo totam tentationis dominice historiam, eius particula est, frustra quæras in libris Eranistæ.

DE CAPITULO VIGESIMO NONO.

**D**EI Filius homini inseparabiliter adiunctus, eum disciplinam summa virtutis edocuit, & a peccatorum jaculis illæsum custodivit, & integrum & superiorem diabolica fraude monstravit, mortemque ad breve tempus gustare permittens, protinus ab ejus tyrannide liberavit, & participatum ei propriæ vitæ contribuit, ad celos evenit, & ad dexteram sedere magnitudinis fecit, & donavit illi nomen, quod est super omne nomen; dignitatem suam eidem conferens, & appellationem natu-  
ræ ejus assumentis.

*De epistolis Theodoreti.*

**H**ACTENUS de libro *ad Nestorianos*, seu Pentalogio, nunc de epistolis, & de ea primum quam Theodoretus Nestorio scriptis, cuique Mercator a se in Latinum sermonem conversis præfationem hanc præposuit.

VERBA MARII MERCATORIS.

NESTORIO in exilio pro sua perfidia constituto, scripsit epistolam Theodoretus, qua patefacit, non honoris amore, sed ipsa veritate compulsus, probafse se dogma beati Cyrilli, quem vocat Ægyptium;

in damnationem vero ejusdem Nestorii nullo modo præbere consensum.

EPISTOLA THEODORETI AD NESTORIUM.

*Domino meo vere Dei amanissimo & venerando sancto Patri Nestorio Episcopo, Theodoretus in Domino salutem.*

Quod urbana me conversatio, & obsequium gloriaque non superet, nec ex-  
cellis